

〔續日本後紀仁明嘉祥元年六月庚寅正三位守右大臣兼行右近衛大將臣藤原朝臣良房上表曰○中略臣聞有非常之功受非常之福臣過以頑魯深沐聖恩官已崇而又重位已極而更加遂居三獨坐之尊當食二千戶之邑此榮也非臣本望此祿也但臣新意○意恐恩誤中略伏願天聽不遠皇鑒照微殊降福謙之恩許還封戶之半○中天皇不許甲午左大臣藤原朝臣重上表請減食封天皇許之

○按ズルニ當時左大臣ハ源常ナレバ左大臣ハ右大臣ノ誤ニテ藤原良房ヲ謂ヘルナラン、
 〔文德實錄九〕天安元年二月戊子右大臣從二位藤原朝臣良相上表曰臣良相言今月十九日降軒臨之咫尺拜微臣於端右○中伏冀天矜賜垂昭高○高恐亮誤中略停臣此任○中勅答不許之五月丙午右大臣從二位藤原朝臣良相抗表曰○中臣居盈溢深以戰兢況今稟封戶者倍於疇昔國用闕乏職此之由○中伏望雖帶右大臣之號猶食大納言之封○中有勅不許之壬戌右大臣從二位藤原朝臣良相又上表曰臣良相言臣近上表言雖帶右大臣之號猶食大納言之封敢布腹心實非矯飾○中今算封邑當食二千臣之庸虛何貪厚賞所以雖優詔之旨有可祇戴而固陋之情終難自奪今亦奉還職田等類載之別表添以奉進伏冀更廻玄鑒詳照丹愚前後所陳必垂允愜無任追悚屏營之至謹重奉表以聞大納言安倍朝臣安仁宣奉勅上表慇懃宜職封停一千戶充一千戶但職田類依例行之者○中略文德實錄九天安元年二月辛卯是日太政大臣正二位藤原朝臣良房抗表曰○中勅答不許三月甲辰頻抗表曰臣良房言○中伏望所○所原作可新加賜封邑職田資人帶刀等類一切停止丙辰勅曰○中今省重表副朕心情崇號所宜不乖攝任唯至祿法推而不鍾所新加色祈總停止忌滿之詞最切助公之意兼深今欲酌成美於聖言歸福謙於賢相是故此般所請不忤雅懷以書報之指不多及文德實錄九天安元年二月癸巳權○權一本補大納言正三位安倍朝臣安仁抗表曰安仁伏奉恩制忝授大納言祇命荷惠以感以懼○中臣今才微位貴力劣權崇帶職兩三官周旋於具瞻之地食邑八百戶盈溢於戶素之身伏願減大納言所食邑給中納言所賜封猶足使飽及子孫勞施綿邈不敢貪得空